

Qinersinermik siulersuisunik toqqaaneq

2021-mi kommunalbestyrelsinut, nunaqarfinni aqutsisunut ilagiillu sinniisaannut qinersinissat pillugit Qinersinermik siulersuisut

Aalajangiiffigisassaq

J.nr.: EMN-2020-27186

Suliffeqarfimmut Kiffartuussivik - Vicekommunaldirektøri Marie Fleischer / MAFL

Suliassamik eqikkaaneq

Kommunalbestyrelsinut aamma ilagiit sinniisaannut ulloq 6. aprili 2021-mi qinersisoqassaaq. Qinersinermut inatsit malillugu Kommunalbestyrelse ukioq naatinnagu qinersinermik siulersuisumik qinersinerup ingerlanneqarnissaanik isumaginnittussamik toqqaassaaq.

Qinersinermik siulersuisunut ilaasortaassapput borgmesteri aammalu Kommunalbestyrelsimut ilaasortat ikinnerpaamik pingasut.

Qinersinermut inatsit malillugu nunaqarfinni aqutsisunut qinersineq aprili qaammat pissaaq ukiorlu taanna aamma kommunalbestyrelsimut qinersineq pissalluni. Qinersisitsinermut ulluliussaq qinersinermik siulersuisut aalajangissavaat. Ulloq taanna kommunalbestyrelsimut qinersisoqarpat nunaqarfinni aqutsisunut qinersisoqartarneq ileqquuvoq.

Suliaq septembarip ulluisa 23-anni 2020 Aningaasaqarnermut Inuussutissarsiornermullu Ataatsimiititami oqaluuserineqarpoq, tassanilu ataatsimiititap inassuteqaatigineqartoq akuersissutigaa, aalajangerneqarluni Aningaasaqarnermut Inuussutissarsiornermullu Ataatsimiititaq qinersinermut siulersuisuni ilaasortassanik qinersissasoq ukulu qinerneqarput: Harald Bianco (IA), Justus Hansen (D), Peter Davidsen (S). Charlotte Ludvigsen Borgmesteritut ilaasortaareerpoq; suliarlu aalajangiiffigisassanngorlugu Kommunalbestyrelsimut ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Harald Bianco (IA), Justus Hansen (D) aamma Peter Davidsen (S) qinersinermut siulersuisuni ilaasortatut akuersissutigineqassasut

Suliamik saqqummiussineq

Kommunalbestyrelsinut aamma ilagiit sinniisaannut ulloq 6. aprili 2021-mi qinersisoqassaaq.

Qinersinermut inatsit malillugu Kommunalbestyrelse ukioq naatinnagu qinersinermik siulersuisumik qinersinerup ingerlanneqarnissaanik isumaginnittussamik toqqaassaaq. Qinersinerit ingerlanneqarneri nalinginnaasumik Qinersinermik siulersuisuniit nakkutigineqartarput, matumani taasiartorfissat akuersissutigineqarneri, taaguinermik siulersuisunik toqqaanerit, qinersisussat allassimaffiata naammagittaalliutigineqarnera assigisaasalu suliarineri ilanngullugit.

Aaqqiissutissatut siunnersuut – suliatigut naliliineq

Qinersinermik siulersuisunut ilaasortaassapput borgmesteri aammalu Kommunalbestyrelsimut ilaasortat ikinnerpaamik pingasut.

Borgmesteri Qinersinermik siulersuisuni siulittaasuvoq Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-imeersumi § 9.

Kommunalbestyrelsimut ilaasortat ikinnerpaamik pingasut qinersinermik siulersuisunut ilaasortassatut qinerneqassapput. Ilaasortat kommunimut qinersinermi qinigassanngorteqqittut qinersinermik siulersuisunut qinerneqarsinnaapput, taamaattorli sullissinermut inatsisitut malittarisassani kapitali 2 attuumassuteqarpallaarnermut tunngasoq ilaasortap ilisimaqqissaassavaa, suliallu ilaasortamut tunngasut oqaluuserineqarnerini najuuttassanani.

Qinersinermut inatsit malillugu nunaqarfinni aqutsisunut qinersineq kommunalbestyrelsimut ukioq taanna apriliip qaammataani qinersinermittaaq pissaaq. Qinersisitsinermut ulluliussaq qinersinermik siulersuisut aalajangissavaat. Ulloq taanna kommunalbestyrelsimut qinersisoqarpat nunaqarfinni aqutsisunut qinersisoqartarnek ileqquuvoq.

Qinersinermik siulersuisut ataatsimiinnerminni makku ataatsimiissutigissavaat:

- Taaguinermik siulersuisunik, aggersakkanik aammalu taasiartorfissanik assigisaannillu toqqaanerit.
- Qinigassanngortitanik nalunaarutit aammalu kommunalbestyrelsimut ilagiillu sinniisaannut qinigassanngortitatut ussassaarutigineqartut akuersissutigineqarneri.
- Kommunalbestyrelsimut aammalu ilagiiit sinniisaannut qinersinermut qinersisussat allassimaffiata akuersissutigineqarnera
- Nunaqarfinni aqutsisunut qinersinermut qinersisussat allassimaffiata akuersissutigineqarnera
- Nunaqarfinni aqutsisunut qinersinermut qinigassanngortittut akuersissutigineqarnerat
- Inip qinersiviusup akuersissutigineqarnera (ileqquusooq)
- Ulloq/unnuq qinersivik
- Qinersinerit akuersissutigineqarneri

Kingullermik qinersisoqarmat Kommunalbestyrelse aalajangerpoq Aningaasaqarnermut Inuussutissarsiornermullu Ataatsimiititami ilaasortat Qinersinermik siulersuisuniissasut.

Aningaasatigut sulisoqarnikkullu naliliinerit

Qinersinermut inatsimmi § 11 naapertorlugu inuit toqqaarneqartut suliasami suliarinissaanut pisussaaffeqarput taavalu qinersinermut atatillugu inuit toqqaarneqartut sulinerminni kommunimit ullormusiaqartinneqassapput. Ullormusiat tunniunneqartarneranni kommunit aqunneqarnerannut Inatsisartut inatsisaanni maleruagassat malinneqassapput, maleruagassallu taakku kommunalbestyrelsimut ilaasortanut atuuttoq assigalugu.

Piareersarnermut qinersinerillu ingerlannerinut atatillugu aningaasartuuteqassaaq, matumani naqitanut, tamanut saqqummiussanut, pappiaqqat taasivissat, ininik attartornerit, bussinik attartornerit, nerisaqartitsinerit il. il. Pisortaqatigiit Allatseqarfiata missingersuutaannit aningaasartuutigineqassapput.

Qinersinermik siulersuisut Pisortaqatigiit Allatseqarfianiit allatseqartinneqassapput.

Inatsisitigut tunngavissaq allakkallu tunngaviusumik uppernarsaatitalit

- Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-imeersoq.

Ingerlariaqqinnissaq

Qinersinermik siulersuisunik qinersisoqareerpat siulersuisut siullermeerlutik ataatsimiinnissaannut, 2020-mi novembarip naanerani ingerlanneqartussamut, Pisortaqatigiit Allatseqarfiannit oqaluuserisassat ilanngullugit ataatsimiigiaqqusisoqarumaarpoq.

Aningaasaqarnermut Allatseqarfimmit oqaaseqaatit
Pisiariaqanngilaq.

Innuttaasunik peqataatitsineq/attaveqaqatigiinneq
Pisiariaqanngilaq.

Ingerlatsivinnit allaniit oqaaseqaatigineqartut
Pisiariaqanngilaq.

Aningaasaqarnermut Inuussutissarsiornermullu Ataatsimiititap aalajangenera ulloq 23. septembari 2020-meersoq:

Inassuteqaat akuersissutigineqarpoq

Aningaasaqarnermut Inuussutissarsiornermullu Ataatsimiititami partiit aallartitaaniit Qinersinermik siulersuisunut ataatsimik inissiisoqassasoq aalajangiunneqarpoq, tassaallutillu: Harald Bianco (IA), Justus Hansen (D), Peter Davidsen (S) Borgmester Charlotte Ludvigsen Qinersinermik siulersuisunut toqqaannartumik inissippoq.

Ilanngussat
Soqanngilaq.